

## **BAB 6**

### **AMALAN PERMAINAN DAN AKTIVITI KESENIAN**

#### **6.1 Pengenalan**

Kehidupan harian manusia dipenuhi dengan pelbagai jenis aktiviti. Aktiviti harian manusia merangkumi pekerjaan, permainan, aktiviti kesenian, aktiviti keagamaan dan kebudayaan. Antara kesemua aktiviti ini, permainan dan aktiviti kesenian merupakan aktiviti-aktiviti yang mengembirakan serta menghiburkan hati manusia. Permainan dan aktiviti kesenian merupakan perlakuan rekreasi sama ada untuk mendapat keseronokan, mengisi masa lapang ataupun bersenam. Bab yang ke-6 ini membincangkan permainan dan aktiviti kesenian yang diamalkan oleh masyarakat Tamil zaman *cangam*.

#### **6.2 Amalan Permainan**

Permainan ialah sesuatu yang dilakukan untuk bersenang-senang atau bersuka-suka. Pada lazimnya, permainan mempunyai peraturan yang perlu diikuti semua pemain. Permainan boleh dibahagikan kepada beberapa jenis:

- Permainan berasaskan kemahiran
- Permainan berasaskan strategi
- Permainan berasaskan nasib

Sesetengah permainan pula menggabungkan dua atau tiga elemen di atas.

Permainan dimain dengan menggunakan alat-alat tertentu seperti bola, gasing, guli dan sebagainya. Ada juga permainan yang melibatkan haiwan dan manusia. Pada lazimnya, manusia terlibat dalam permainan untuk menyenangkan dan mengembirakan hati. Kecergasan minda dan tubuh bergantung pada aktiviti permainan. Aktiviti permainan sering kali dikaitkan dengan perasaan, kemahiran dan kebolehan seseorang.

Permainan dikenali sebagai *vilaiyaddu* dalam bahasa Tamil. Permainan merupakan salah satu aktiviti harian yang penting dalam kehidupan manusia dan aktiviti ini mengeratkan perhubungan antara manusia. Permainan juga mencergaskan tubuh badan dan minda serta mengembirakan hati pihak yang terlibat iaitu pemain dan penonton. Masyarakat Tamil zaman *cangam* mengamalkan pelbagai jenis permainan yang melibatkan golongan lelaki dan perempuan. Semua peringkat manusia seperti muda, tua, kaya dan miskin terlibat dalam aktiviti permainan. Manusia memilih permainan berdasarkan pada minat dan kebolehan.

Pada lazimnya, golongan lelaki masyarakat Tamil zaman *cangam* terlibat dalam permainan yang memerlukan keberanian dan kekuatan badan seperti mengejar lembu jantan (*yher taluvatal*), menunggang kuda (*kutirai yhedram*), menunggang gajah (*yaanai yhedram*), permainan kayu panjang (*silambam*) dan permainan meanah (*villeri*). Keselamatan diri adalah tidak terjamin dalam permainan-permainan jenis ini. Kekadang mereka juga bermain permainan kereta roda kecil (*siru ther uruddal*), permainan bola (*pantaaddam*), berjalan di atas tali (*kalai kootu*), permainan bunyi (*kilikili aadal*), menyabung ayam (*kholi phor*), *kabadi* (*sadugudu*), memukul kayu kecil (*siddippul*) dan permainan ayun (*oonjal*). Golongan lelaki muda dan tua turut terlibat dalam kesemua permainan ini.

### **Jadual 6.1: Permainan Golongan Lelaki**

<b>Bil.</b>	<b>Jenis Permainan</b>	<b>Istilah Bahasa Melayu</b>
1	<i>Yher taluvatal</i>	mengejar lembu jantan
2	<i>Kutirai yherdram</i>	menunggang kuda
3	<i>Yaanai yherram</i>	menunggang gajah
4	<i>Siru ther uruddal</i>	permainan kereta roda kecil
5	<i>Pantaaddam</i>	permainan bola
6	<i>Kalai koottu</i>	berjalan di atas tali
7	<i>Kilikili aadal</i>	permainan bunyi
8	<i>Kholi phor</i>	menyabung ayam
9	<i>Sadu- gudu</i>	permainan <i>kabadi</i>
10	<i>Siddippul</i>	memukul kayu kecil
11	<i>Silambam</i>	<i>Silambam</i>
12	<i>Oonjal, oosal</i>	permainan ayun

(Sumber: *Viyakka Vaikkum Tamilar Ariviyal*,2005)

Kaum wanita pula terlibat dalam permainan-permainan yang kurang memerlukan kekuatan dan tenaga badan. Pada lazimnya, golongan perempuan terlibat dalam permainan seperti dam (*kalangaaddam*), congkak (*pallaanguli*), catur (*taayam*), gasing (*pamparam*), permainan guli (*gundu aaddam*), permainan layang-layang (*paddam vidatal*), tarik tali (*kayiru iluttal*), permainan bola (*pantaaddam*), permainan air (*neer vilaiyaaddu*), permainan patung pasir (*vandal, sidril*) dan ayun (*oonjal*). Manakala, golongan kanak-kanak suka bermain permainan bola (*pantaaddam*), permainan ayun (*oonjal*), permainan petak (*paandi aaddam*), kereta roda kecil (*siruther uruddal*) dan permainan patung (*pommai aaddam*).

Pada umumnya, kesemua permainan ini memerlukan tenaga dan kekuatan badan. Di samping itu, kebolehan, kemahiran dan minat merupakan keperluan asas bagi menceburι bidang permainan.

#### **Jadual 6.2: Permainan Golongan Perempuan**

<b>Bil.</b>	<b>Jenis Permainan</b>	<b>Istilah Bahasa Melayu</b>
1	<i>Kalangaadutal</i>	Permainan dam
2	<i>Pallaangguli</i>	Permainan congkak
3	<i>Taayam</i>	Permainan catur
4	<i>Kayiru iluttal</i>	Permainan tarik tali
5	<i>Pantaaddam</i>	Permainan bola
6	<i>Neer vilaiyaaddu</i>	Permainan air
7	<i>Vandal, sidril</i>	Permainan patung pasir
8	<i>Oonjal</i>	Permainan ayunan

(Sumber: *Viyakka Vaikkum Tamilar Ariviyal*,2005)

Permainan air (*neer aaddam*), bola (*pantaaddam*), ayun (*oonjal*) dan congkak (*pallaangguli*) antara permainan-permainan yang melibatkan golongan lelaki dan perempuan.

Kebanyakan permainan zaman *cangam* melibatkan unsur-unsur alam semula jadi seperti permainan air, permainan patung pasir dan permainan ayun. Di samping itu, terdapat juga beberapa permainan yang melibatkan manusia dan haiwan. Mengejar lembu jantan, menunggang kuda, menunggang gajah dan menyabung ayam merupakan permainan-permainan yang melibatkan manusia dan haiwan.

Masyarakat Tamil zaman *cangam* memberikan kepentingan terhadap bidang permainan. Mereka menyedari kepentingan dan keperluan permainan terhadap diri sendiri dan masyarakat. Kenyataan tentang keperluan dan kepentingan permainan dibincangkan dalam Teori *Tholkaapiyam*.

செல்வம் புலனே புணர்வுவிளை யாட்டென  
அல்லல் நீத்த உவகை நான்கே

(*Tholkaapiyam, Meippaddiyal:255*)

*selvam pulane punarvu vilai yaaddena  
allal neeta uvagai naanke*

- *harta benda, anggota badan, perasaan cinta dan permainan merupakan sumber kegembiraan*

*Noorpaa* ini menyenaraikan sumber-sumber yang mengembirakan hati manusia. *Selvam* (harta), *pulan* (anggota badan), *punarvu* (perasaan cinta) dan *vilaiyaaddu* (permainan) merupakan empat jenis sumber yang mengembirakan manusia. Melalui *noorpaa* ini dapat dirumuskan bahawa permainan merupakan salah satu aktiviti utama yang mengembirakan hati manusia. Perhubungan di antara manusia dieratkan melalui amalan aktiviti permainan. Bukti kewujudan permainan pada zaman *cangam* diperkuuhkan oleh *noorpaa Tholkaapiyam* yang ke-23.

கெட்டால் பண்ணை ஆயிரண்டும் விளையாட்டு

(*Tholkappiyam, Sollatikaaram, Uriyiyal:23*)

*kedavaral pannai aayirandum vilaiyaaddu*

- *permainan merupakan asas kesihatan badan*

Perkataan *kedavaral* dan *pannai* merujuk kepada permainan. Teks *Tholkaapiyam* memberikan penekanan kepada permainan dan kesihatan badan. Teks *Nadrinai* pula menyarankan kepentingan permainan kepada manusia.

விளையாடு ஆயமொடு ஒரை ஆடாது  
இதையோ இல்லிடத்து இற்சேறித் திறுத்தல்  
அழனும் அன்றே ஆக்கமும் தேயம்


(*Nadrinai, 68:1-3*)

*vilaiyaadu aayamodu orai aadaatu  
ilaiyor illidattu irseri tiruttal  
aranum andre aakkamum teyam*

- *permainan merupakan sumber kesihatan dan kecergasan badan*

Masyarakat Tamil zaman *cangam* mementingkan kesihatan dan kecergasan badan dan terlibat dalam aktiviti permainan bagi mengekalkan kecergasan badan (*aakkamum teyam*). Kesemua permainan mempunyai tata cara dan tujuan khas. Perincian tujuan permainan adalah seperti berikut :

**Rajah 6.3: Tujuan Permainan**



Manusia bermain untuk mengembirakan hati, mengisikan masa lapang dan juga untuk menjaga kesihatan badan. Ketiga-tiga elemen ini memberikan pengertian kepada kehidupan manusia.

Permainan dibahagikan kepada dua bahagian besar iaitu permainan perseorangan dan permainan yang melibatkan sekumpulan pemain. Permainan ayun, memburu dan menyelam merupakan beberapa permainan yang dimainkan oleh perseorangan. Manakala, permainan bola, congkak dan tarik tali melibatkan sekumpulan pemain. Kedua-dua jenis permainan ini terkenal dalam kalangan masyarakat Tamil zaman *cangam*.

Permainan dibahagi berdasarkan tiga elemen yang utama iaitu kemahiran, strategi dan nasib. Ketiga-tiga elemen ini mempengaruhi para pemain. Salah satu puisi antologi *Aingkurunuru* membuktikan kenyataan ini.

மாதர் உண்கண் மகன் விளையாட  
காதலித் தழிடி இனிதிருந்தனனே  
தாதார் பிரசம் ஊதும்  
போதார் புறவின் நாடுகிழவோனே

(Aingkurunuru:406)

*maatar unkan magan vilaiyaada  
kaatali talee initiruntanane  
taataar pirasam ootum  
potaar puravin naadukilavone*

- *ibu dan bapa merasa gembira dan seronok, memandangkan anak kecil bermain di luar perkaran rumah*

Seorang anak kecil bermain dengan penuh semangat di luar rumah (*magan vilaiyaada*). Ibu dan bapa merasa amat gembira memerhatikan anaknya yang bermain. Mereka sedar bahawa perlakuan ini menjamin kesihatan dan kecerdasan anak. Situasi ini membuktikan bahawa masyarakat Tamil zaman *cangam* memberikan peluang dan galakan kepada anak-anaknya supaya bermain.

Beberapa permainan sangat popular dalam kalangan masyarakat Tamil zaman *cangam*. Mereka memiliki kemahiran dan kebolehan dalam permainan-permainan ini. Permainan air, permainan ayun, permainan mengejar ketam, permainan bola dan permainan memanah merupakan permainan-permainan yang terkenal dalam kalangan masyarakat Tamil. Maklumat tentang permainan-permainan ini dapat diperoleh daripada teks-teks kesusasteraan Tamil klasik.

#### **Permainan air (*Neer vilayaaddu*) :**

இனிநினைந்து இரக்கம் ஆகின்று; திணிமணல்  
செய்வுறு பாவைக்குக் கொட்டுத் தைஇத்

(Purananuru,243:1–2)

*ininaintu irakkam aaindru; tinimanal  
seivuru paavaikku koypoot taiee*

- *memberikan kuntum bunga kepada gadis-gadis yang bermain air*

### **Permainan ayunan (*Oonjal*) :**

பெருங்கயிறு நாலும் இரும்பனம் பினையல்  
பூங்கண் ஆயம் ஊக்க ஊங்காள்

(*Nadrinai, 90:6–7*)

*perungayiru naalum irumpanam pinaiyal,  
poongan aayam ookka oongkaal*

- *tali diikat pada dahan pokok untuk membuat ayunan*

### **Permainan mengejar ketam dan kura-kura (*Ohraiyaadal*) :**

ஓரை ஆயத்து ஒண்தொடி மகளிர்

(*Purananuru, 176:1*)

*oorai aayattu ontodi magalir*

- *gadis-gadis yang mengejar ketam*

### **Permainan bola (*Panttaaddam*) :**

வான்றோய் மாடத்து வரிப்பின் தசைஇக்

(*Perumpaanarruppadi:333*)

*vaan toi maadattu varippantu asa ik*

- *bermain bola di perkarangan rumah*

### **Memanah (*Villerital*) :**

குறுந்தொடி கழித்தகைச் சாபம் பற்றி

(*Purananuru, 77:4*)

*kuruntodi kalitagai saabam patri*

- *jejaka yang bermain memanah*

Di samping itu, antologi *Akananuru* memaparkan pelbagai maklumat tentang permainan-permainan yang dimainkan oleh masyarakat Tamil zaman *cangam*. Berikut ini adalah perincian tentang amalan permainan masyarakat Tamil zaman *cangam*.

#### **6.2.1 *Pantaaddam* (Permainan Bola)**

Permainan bola merupakan salah satu permainan yang tertua di dunia ini. Pada zaman *cangam* permainan bola baling adalah terkenal dalam kalangan masyarakat Tamil.

Permainan ini dikenali sebagai *pantaaddam* ataupun *pantuvi laiya addu*. Padang permainan bola dikenali sebagai *pantarkalam* ataupun *pantadimedai*. Permainan bola merupakan salah satu permainan umum yang dimainkan oleh golongan lelaki dan perempuan dan mereka amat berminat terhadap permainan ini.

Beberapa karya kesusasteraan Tamil membuktikan kewujudan permainan bola dalam kalangan masyarakat Tamil zaman *cangam*. Antaranya ialah antologi *Perumpaanaadrupadai*, dalam puisi yang ke-329 memaparkan permainan bola oleh masyarakat Tamil zaman *cangam*.

பைங்காழ் அல்குல் நூன்துகில் நூடங்க  
மால்வரைச் சிலம்பின் மகிழ் சிறந்தாலும்  
பீலி மஞ்ஞஞியின் இயலிக்கால  
தமணியப் போற்சிலம்பு ஒலிப்ப உயர்நிலை  
வான்தோய் மாடத்து வரிப்பந்து அசைஇக்

(*Perumpaanaadrupadai*:329-333)

*painkaal algul nuntugil nudanga*  
*maalvarai silambin magil sirantaalum*  
*peeli manjjaiyin iyalikkala*  
*tamaniya porsilambu olippa uyarnilai*  
*vaantoi maadattu varippantu asaiik*

- *para gadis yang menghiasi diri, lalu bermain bola, mereka kelihatan seperti burung merak yang cantik*

Menurut puisi ini, beberapa orang gadis bermain bola (*vaantoi maadattu varippantu asai*).

Semasa bermain bola (*vaantoi maadattu varippantu asai*) mereka memakai barang perhiasan diri termasuk gelang kaki yang dibuat daripada emas (*tamaniya porsilambu olippa*). Mereka kelihatan seperti burung merak yang cantik (*painkaal algul nuntugil nudanga maalvarai silambin magil sirantaalum*). Puisi ini memaparkan dua perkara, iaitu, amalan memakai gelang kaki emas dan golongan perempuan yang bermain bola.

Di samping itu, antologi *Akananuru* membentangkan beberapa maklumat tentang permainan bola. Puisi *Akananuru* yang ke-17 memaklumkan bahawa seorang gadis dari kawasan *Paalai* bermain bola.

வளம்கெழு திருநகர்ப் பந்துசிறிது எறியினும்  
இளந்துணை ஆயமொடு கழங்குஉடன் ஆடினும்  
'உயங்கின்று, அன்னை! என்மெய்'என்று அசைஇ

(*Akananuru, 17:1-3*)

*valamkelu tirunagar pantusiritu yeriyinum  
ilantunai aayamodu kalangudan aadinum  
'uyankindru, annai! yenmei' yendru asaiee*

- *gadis comel dari tanah Paalai  
bermain bola baling bersama rakannya, dan  
beliau kelihatan amat letih*

Pujangga *Kayamanaar* memaklumkan bahawa gadis itu kelihatan amat letih (*uyankindru, annai! yenmei*) selepas bermain bola baling (*pantusiritu yeriyinum*) bersama dengan kawan-kawanya. Kenyataan ini memaparkan dua perkara, iaitu :

- Permainan bola merupakan salah satu permainan yang wujud sejak zaman *cangam* dalam kalangan masyarakat Tamil.
- Permainan bola dimainkan oleh golongan lelaki dan juga perempuan.

Seorang ibu dari kawasan *Paalai* mengenangkan anak perempuan yang telah pergi bersama dengan pasangan.

ஓங்குநிலைத் தாழி மல்கச் சார்த்திக்  
ருடைஅடை நீரின் மடையினன் எடுத்த  
பந்தர் வயலைப், பந்து எறிந்து ஆடி

(*Akananuru, 275:3*)

*onggunilai taali malga saarti  
kudaiaidai neerin madaiyinal yedutta  
pantar vayalai, pantu yerintu aadi*

- *gadis tanah Paalai meninggalkan rumah  
termasuk khemah di bawah pokok  
dan padang permainan bola*

Ibu menyatakan bahawa anaknya telah pergi bersama kekasih dan dia meninggalkan beberapa perkara termasuk khemah di bawah pokok (*pantar vayalai*) yang didirikan olehnya. Padang permainan bola yang amat diminati oleh wirawati turut ditinggalkan (*pantu yerintu aadi*). Kenyataan ini membuktikan kewujudan permainan bola serta padang permainan bola baling. Ini menunjukkan mereka memiliki tempat khas untuk bermain bola.

### 6.2.2 *Vaddaadal* (Permainan Petak)

*Vaddaadal*, *vaddaadalai* atau *valladam* merupakan sejenis permainan petak tradisional yang dimainkan oleh masyarakat Tamil zaman *cangam*. Sejenis dadu kecil digulingkan pada lantai dan perkiraan dilakukan. Pemenang ditentukan melalui perolehan jumlah mata. Antologi *Nadrinai* menyatakan perlakuan budak-budak yang tidak bersekolah bermain *vaddaadal*.

பொரியாரை வேம்பின் புள்ளிநீலல்  
கட்டனை யன்ன வட்டரங் கிழமுத்துக்  
கல்லாச் சிறாஅர் நெல்லி வட்டாடும்  
வில்லேருமூவர் வெம்முனைச் சீறூர்

(*Nadrinai*, 3:2-5)

*poriyaarai vembin pullineelal*  
*kaddalai yanna vaddarang kilaittu*  
*kalla siraar nelli vaddaadum*  
*villerulavar vemannai seeroor*

- *melakar petak di bawah pokok neem, dan buah cermai digunakan sebagai dadu*

Budak-budak kecil melakar petak permainan di bawah pokok *neem* (*poriyaarai vembin pullineelal*). Buah cermai (*nelli*) digunakan sebagai dadu dalam permainan *vaddaadal* (*nelli vaddaadum*).

Gambaran tentang permainan *vaddaadal* dipaparkan dalam antologi *Purananuru*.

.....பொதியில்  
நரைமு தாளர் நாயிடக் குழிந்த  
வல்லின் நல்லகும் நிறையப், பஸ்போறிக்  
கான வாரணம் ஈனும்

(*Purananuru*: 52:13-16)

.....*potiyil*  
*naraimoo taalar naayida kulinta*  
*vallin nallagam niraiya, palpori*  
*kaana vaaranam eenum*

- *golongan tua yang bermain vaddaadal*

Menurut puisi ini, permainan *vaddaadal* dimainkan oleh golongan dewasa (*narai mootalar*) sahaja. Rangkai kata *naayida kulinta* merujuk kepada permainan *vaddaadal* dan *vallin nallagam* pula bermaksud tapak permainan.

Pujangga *Paalai Paadiya Perungkadungoh* menyatakan amalan permainan *vallaadam* melalui suatu gambaran yang menarik.

பளிங்கத் தன்ன பல்காய் நெல்லி  
மோட்டிரும் பாறை ஈட்டுவெட்டு ஏய்யப்

(Akananuru,5:9-10)

*palingga tanna palkaai nelli*  
*moddirum paarai eedduvaddu yeippa*

- *buah cermai yang segar bertaburan di atas batu besar, lalu kelihatan seperti tapak permainan*

Buah cemar yang segar (*palingga tanna palkaai nelli*) bertaburan di atas sebuah batu besar (*moddirum paarai*). Situasi ini kelihatan seperti tapak permainan *vaddaadal*.

Puisi yang ke-377 pula menggambarkan amalan permainan *vaddaaddam* oleh masyarakat Tamil zaman *cangam*. Menurut puisi ini, permainan *vaddaaddam* dimainkan oleh golongan tua (*naraimoo taalar*).

.....மன்றத்து  
நரைமு தாளர் அதிர்தலை இறக்கிக்  
கவைமனத்து இருத்தும் வல்லுவனப்பு அழிய

(Akananuru,377:6-8)

.....*mandrattu*  
*naraimoo taalar atirtalai yirakki*  
*kavaimanattu iruttum valluvanappu aliya*

- *golongan tua bermain vaddaaddam*

Kesemua maklumat ini membuktikan penglibatan masyarakat Tamil zaman *cangam* dalam permainan *vaddaaddam*. Walaupun begitu, mereka mempunyai disiplin dan tata cara tertentu dalam mengamalkan permainan ini. Permainan ini hanya dimainkan oleh golongan tua sahaja.

### 6.2.3 *Kalangu* (Permainan Dam)

Pada zaman *cangam* terdapat sejenis permainan dam yang dikenali sebagai permainan *kalangu*. Permainan ini juga dikenali dengan nama *suddippidittal*. Pada lazimnya, *kalangu* dimainkan oleh golongan perempuan di kawasan koridor rumah atau di bukit pasir. Pemain memutarkan sejenis dadu di lantai dan membuat pengiraan. Permainan ini dipaparkan dalam antologi *Purananuru*.

செறியாச் சிலம்பின், குறுந்தொடு மகளிர்  
போலஞ்செய் கழங்கின் தெற்றி யாடும்

(*Purananuru*,36:3-4)

*seriyari silambin, kuruntodi magalir*  
*polanseey kalangin tedri yaadum*

- *para gadis remaja yang memakai gelang kaki dan tangan bermain permainan kalangu*

Para gadis remaja memakai gelang kaki dan gelang tangan emas (*seriyari silambin, kuruntodi magalir, polanseey*). Mereka, bermain *kalangu* di bukit pasir (*kalangin tedri yaadum*).

Teks *Perumpaanaadrupadai* memberikan maklumat tentang permainan *kalangu* yang diamalkan oleh masyarakat Tamil zaman *cangam*.

முத்துவார் மணல் பொற்கழங்காடும்  
*muttuvaar manal porkalangaadum*

(*Perumpaanaadrupadai*:335)

- *golongan gadis bermain kalangu di pasir*

Antologi *Akananuru* menyatakan beberapa maklumat tentang permainan *kalangu*. Puisi *Akananuru* yang ke-17 dan 66 memaparkan amalan permainan *kalangu* oleh golongan perempuan.

வளம்கெழு திருநகர்ப் பந்துசிறிது எறியினும்  
இளந்துணை ஆயமொடு கழங்குஉடன் ஆடினும்  
உயங்கின்று, அன்னை! என்மெய் என்று அசைஇ

(*Akananuru, 17:1-3*)

*valamkelu tirunagar pantusiritu yeriyinum  
ilantunai aayamodu kalangudan aadinum  
uyangkindru, annai! yenmei yendru asaii*

- *gadis terasa amat letih bermain bola baling dan kalangu*

Pujangga *Kayamanaar* memaklumkan bahawa wirawati kelihatan amat letih (*uyankindru, annai! yenmei*) selepas bermain bola baling dan *kalangu* (*pantusiritu yeriyinum..... kalangudan aadinum*).

Pujangga *Sellor Kosigan Kannanaar* menggambarkan perlakuan kaum *aayar* (pengembala) yang bermain *kalangu* (*kalanguaadu aayattu*). Peristiwa ini dipaparkan dalam puisi yang ke-66.

கழங்குஆடு ஆயத்து அன்றாநம் அருளிய

(*Akananuru, 66:24*)

- *para pengembala bermain permainan kalangu*

Pada hakikatnya, kesemua puisi ini membuktikan kewujudan permainan *kalangu* dalam kalangan masyarakat Tamil zaman *cangam*.

#### 6.2.4 *Oosal* (Permainan Ayunan)

Permainan ayunan merupakan suatu permainan yang diminati oleh semua golongan masyarakat tanpa mengira jantina dan umur. Golongan dewasa dan kanak-kanak turut meminati permainan ini. Permainan ini dikenali sebagai *oosal* ataupun *oosalaaddam* dalam

kalangan masyarakat Tamil. Pada zaman kini permainan ini lebih dikenali dengan nama *oonjal*.

Permainan ini merupakan salah satu permainan yang unik dan berkaitan dengan alam semulajadi. Pada zaman *cangam* ayun dibuat daripada dahan pokok, buluh besar dan akar pokok.

Pada kebiasaannya, seutas tali yang kuat diikat pada dahan pokok. Pada bahagian hujung tali diikat sejenis alas duduk yang dibuat daripada papan ataupun kayu. Tali diayunkan bersama dengan orang yang duduk di atas alas. Keutuhan dahan dan kekuatan tali diberi keutamaan dalam pembuatan ayun. Golongan raja dan atasan menyediakan *oosal* di dalam rumah ataupun kawasan taman. Lazimnya, ruang tetamu yang luas dihiasi dengan *oosal* yang bercorak menarik.

Pada zaman *cangam* permainan ayunan lebih diminati oleh golongan perempuan dan kanak-kanak. Kekadang pasangan kekasih duduk bersama dan bermain ayunan. Kewujudan permainan ayunan dibincangkan dalam beberapa teks kesusasteraan Tamil klasik.

பெருங்கயிறு நாலும் இரும்பனம் பினையைல்  
பூங்கண் ஆயம் ஊக்க ஊங்காள்

(*Nadrinai,90:6-7*)

*perungkayiru naalum irumpanam pinaiyal  
poongkan aayam ookka oonggaal*

- *ayunan diikat dengan tali kukuh  
gadis diayun oleh kekasih*

Puisi ini menggambarkan seorang jejaka mengayunkan kekasihnya di atas *oonggaal*. Ayunan ini diikat dengan menggunakan empat utas tali (*perungkayiru naalum irumpanam pinaiyal*). Pujangga memaklumkan, pasangan kekasih merasa amat gembira dan seronok dengan permainan ini.

Teks *Manimekalai* pula menyatakan penggunaan *oosal* oleh masyarakat Tamil zaman *cangam*.

மடவோர்க்கிம் பற்றிய மாமணி யூசல்

(*Manimekalai*:45-75)

*madavhorkkim padriya maamani yoosal*

- *ayunan yang diikat pada dahan pokok*

Perkataan *yoosal* dalam karya *Manimekalai*: 45 merujuk kepada permainan ayunan.

Antologi *Akananuru* membentangkan beberapa maklumat tentang permainan ayunan pada zaman *cangam*.

நாழல் ஒங்குசினைத் தொடுத்த கொடுங்கழித்  
தாழை வீழ்கயிற்று ஊசல் தூங்கி

(*Akananuru*,20:5-6)

*yaalal ongusinai todutta kodunggali*  
*taalai veelkayidru oosal toonggi*

- *ayunan diikat pada pokok 'kondrai'*  
*gadis-gadis bermain ayunan*

Pujangga *Ulocchanaar* menggambarkan gadis-gadis bermain ayunan yang digantungkan pada dahan pokok 'kondrai' (*yaalal ongusinai todutta kodunggali* dan *taalai veelkayidru oosal toonggi*).

Masyarakat di kawasan *Kurinchi* membuat ayunan pada pokok 'asoka' (ara) dengan menggunakan akar yang tebal. Gambaran tentang permainan ayunan oleh masyarakat *Kurinchi* dipaparkan oleh pujangga *Ooddiyaar*.

ஓட்டி யன்ன ஓண்தளிர்ச் செயலை  
ஒங்குசினைத் தொடுத்த ஊசல், பாம்புன  
முழுமுதல் துமிய உரும்ளிந் தன்றே

(*Akananuru*,68:4-6)

*ooddi yanna ontalir seyalai*  
*onggu sinai todutta oosal, paambuyena*  
*mulumutal tumiya urumyerin tandre*

- *gadis bermain ayunan, dan talinya bagaikan ular*

Pujangga *Ooddiyaar* menyatakan wirawati bermain ayunan dan tali ayunan kelihatan seperti seekor ular (*onggu sinai todutta oosal, paambu yena*).

Pujangga *Madurai Marutanilanaaganaar* menggambarkan perwatakan pemain ayunan dalam puisi yang ke-368.

ஓண்டொடி மகளிர்க்கு ஊசல் ஆக

(*Akananuru,368:4*)

*ontodi magalirkku oosal aaga*

- *gadis teruna yang cantik dan menawan bermain ayunan*

Menurut pujangga, gadis-gadis teruna yang cantik dan menawan, memakai pelbagai barang perhiasan diri (*ontodi magalirkku*) bermain ayunan.

Pujangga *Paranar* memperincikan tata cara pembuatan ayunan dalam puisi yang ke-372.

இரும்பனைத் தொடுத்த பலராடு ஊசல்

(*Akananuru,372:7*)

*irumbanai todutta palaraadu oosal*

- *ayunan yang dibuat daripada buluh buluhnya keras seperti batu*

Pujangga *Paranar* memaklumkan bahawa, ayunan dibuat daripada buluh besar yang kukuh seperti batu (*irumbanai todutta*). Ayunan ini boleh menanggung muatan yang berat (*palaraadu oosal*) dan oleh yang demikian, ayunan ini selamat digunakan.

Kesemua kenyataan ini membuktikan kewujudan permainan ayunan sejak zaman *cangam*. Permainan ini merupakan sejenis permainan yang ringkas dan berkaitan dengan alam semulajadi. Dahan, akar pokok, papan kayu dan buluh digunakan untuk membuat ayunan.

### 6.2.5 *Vandal* (Patung Pasir)

Masyarakat Tamil zaman *cangam* juga bersuka ria dengan sejenis permainan yang dikenali sebagai *vandal*, *sidril* atau *varimanai*. Permainan ini boleh dinamakan sebagai permainan patung pasir dalam bahasa Melayu. Lazimnya, permainan ini dimainkan di persisiran pantai. Pasir ditimbun dan dicorakkan pelbagai objek seperti patung-patung istana, rumah, muka manusia dan binatang. Permainan ini melibatkan kemahiran halus dan minda kreatif. Patung pasir ini kekal buat sementara waktu sahaja. Lazimnya, ombak laut akan melerahkan patung pasir yang berada di tepi pantai.

Golongan perempuan berminat terhadap permainan *vandal*. Dua orang pujangga iaitu *Kudavaayir Keerattanaar* (*Akananuru:60*) dan *Ammoovanaar* (*Akananuru:370*) memaparkan gambaran tentang permainan *vandal*.

ஊதை ஈட்டிய உயர்மணல் அடைக்கரை  
கோதை ஆயமோடு வண்டல் தைதி

(*Akananuru,60:9-10*)

*ootai eeddiya uyarmanal adaikarai,*  
*kotai aayamodu vandal taiyi*

- *gadis-gadis kawasan Neytal*  
*bermain patung pasir di persisiran pantai*

வளைவாய்க் கோதையர் வண்டல் தைதி

(*Akananuru,370:1*)

*valaivaai kotaiyar vandal taiyee*

- *para gadis Neytal bermain patung pasir*

Pujangga *Kudavaayir Keerattanaar* dan *Ammoovanaar* menyatakan para gadis kaum *aayar* (*kotai aayamodu* dan *valaivaai kotaiyar*) dari kawasan *Neytal* bermain *vandal* di persisiran pantai.

Berlaku pertemuan pertama di antara wira dan wirawati, mereka bertemu di tanah *Neytal*.

Wirawati membuat sebuah rumah patung dengan menggunakan pasir (*varimanai*). Wira

terpegun dengan hasil kerja tangan ini lalu memuji kebolehan wirawati (*pugalnta*). Maklumat ini digambarkan oleh pujangga *Selloor Keelaar Maganaar Perumpootang Kodranaar* dalam puisi yang ke-250

கொடுஞ்சி நெடுந்தேர் இளையரோடு நீக்கித்  
தாரன், கண்ணியன், சேரவந்து, ஒருவன்,  
வரிமனை புகழ்ந்த கிளவியன் யாவதும்

(Akananuru,250:6-8)

*kodunji nedunter ilaiyarodu neekki  
taara, kanniyan, seravantu, oruvan  
varimanai pugalnta kilaviyan yaavatum*

- *wirawati membuat sebuah rumah patung yang cantik dengan menggunakan pasir  
wira terpegun dengan kebolehan wirawati, lalu memuji hasil kerja wirawati*

Golongan kanak-kanak turut bersuka ria dengan permainan patung pasir. Pujangga *Mamoolanar* menyatakan bahawa kanak-kanak bermain patung pasir di persisiran pantai.

முத்தோர் அன்ன வெண்தலைப் புணரி  
இளையோர் ஆடும் வரிமனை சிதைக்கும்

(Akananuru,90:1-2)

*mootor anna ventalai punari  
ilaiyor aadum varimanai sitaikkum*

- *kanak-kanak membuat patung pasir di persisiran pantai  
ombak laut yang putih bagaikan rambut beruban meleraikan patungnya*

Kanak-kanak membuat pelbagai model patung dengan menggunakan pasir di pantai laut. Model-model pasir ini ditarik masuk ke dalam laut oleh ombak (*ilaiyor aadum varimanai sitaikkum*). Ombak ini berwarna putih seperti rambut yang beruban (*mootor anna ventalai punari*). Pujangga melambangkan ombak sebagai rambut beruban.

#### 6.2.6 *Sirushoru Aakkal* (Permainan Masak-masak)

Permainan masak-masak ialah permainan yang dimainkan oleh golongan muda. Setiap orang akan membawa barang makanan dan mereka memasak serta makan bersama. Ini merupakan salah satu permainan universal yang terdapat dalam kalangan masyarakat dunia.

Pujangga *Phontai Pasalaiyaar* menyatakan, wirawati bermain masak-masak bersama dengan kawan-kawannya. Perlakuan masak-masak ini dipaparkan dalam puisi yang ke-110.

தொடலை ஆயமொடு கடல்உடன் ஆடியும்  
சிற்றில் இழைத்தும், சிறுசோறு குவைதியும்

(Akananuru,110:6-7)

*todalai aayamodu kadaludan aadiyum  
siddril ilaittum, sirusoru kuvaiyum*

- *para gadis bermandi-manda, lalu  
bermain masak-masak*

Wirawati bermandi-manda bersama dengan kawan-kawannya di laut (*todalai aayamodu kadaludan aadi*). Selepas itu, mereka bermain masak-masak di persisiran pantai (*sirushoru kuvaiyum*).

Permainan ini amat diminati oleh golongan perempuan. Aktiviti ini merupakan peringkat permulaan dalam perlakuan belajar memasak. Golongan perempuan mendapat pengalaman melalui permainan ini.

#### **6.2.7 *Neer Aaddam* (Permainan Air)**

Kawasan perairan seperti laut, sungai, kolam, parit dan air terjun merupakan sumber air dan juga sumber makanan bagi kehidupan di dunia ini. Manusia dan binatang saling bergantung kepada kawasan perairan. Di samping itu, kawasan perairan juga memainkan peranan penting dalam aktiviti rekreasi manusia. Manusia menggunakan kawasan perairan untuk pelbagai jenis permainan seperti berenang, menyelam, bersampan, memandu kapal layar, memandu bot laju, kayak dan berperahu.

Kaum lelaki dan perempuan turut melibatkan diri dalam permainan air. Secara umum, permainan air dikenali sebagai *neer aaddam* ataupun *punalaaddam* dalam bahasa Tamil.

Sampan, kayu panjang, bola dan tali digunakan untuk permainan air. Antologi *Purananuru* menyatakan permainan air seperti berikut:

இனிநினைந்து ரக்கம் ஆகின்று; திரிமணைல்  
செப்புறு பாவைக்குக் கொட்டுத் தைதித்  
தன்கயம் ஆடும் மகளிராடு கைபினைந்து  
தழுவைழித் தழிதித், தூங்குவழித் தூங்கி  
மறைனனல் அறிய மாயமில் ஆயமொடு  
உயர்சினை மருதத் துறையுறத் தாழ்ந்து  
நீர்ந்தைப் பட்டகோடு ஏறிச், சீர்மிக்க  
கரையவர் மருளத், திரையகம் பிதிர,  
நெடுநீர்கு குட்டத்துத் துடுமெனப் பாய்ந்து  
குளித்துமணற் கொண்ட கல்லா இளமை

(*Purananuru*,243:1-10)

*inininaintu rakkam aagindru; tinimanal  
seivuru paavaikku koipoottaiit  
tankayam aadum magalirodu kaippinaintu  
taluvuvali taleeit, toonguvali toongi  
maraiyenal ariyaa maayamil aayamodu  
uyarsinai maruta turaiyuru taalntu  
neernani padikodu yeri, seermiga  
karaiyavar marula, tiraiyagam pitira  
neduneergu kuddattu tudumena paaintu  
kulittumanar konda kalla ilamai*

- *para gadis bermain patung pasir, dan beberapa orang membuat patung pasir yang cantik dan comel di perkaranan kolam patung-patung diceriakan dengan pelbagai hiasan yang cantik di samping itu mereka bermandi-manda, dan beberapa gadis teruna memanjat pokok lalu terjun ke dalam air, lalu mereka menyelam ke dalam kolam*

Golongan perempuan bermain di persisiran pantai dan membuat patung pasir. Patung-patung diceriakan dengan pelbagai hiasan (*tinimanal seivuru paavaikku koipoottaiit*). Di samping itu, mereka juga bermandi-manda di tepi perairan. Beberapa orang perempuan pula memanjat pokok yang tinggi lalu terjun ke dalam air (*uyarsinai maruta turaiyuru taalntu*). Mereka menyelam ke dasar laut dan membawa gengaman pasir lalu ditunjukkan kepada kawan-kawan yang berada di sekeliling kolam (*tiraiyagam pitira neduneer kuddattu tudumena paaintu*). Puisi ini membuktikan kemahiran golongan perempuan dalam permainan air.

Antologi *Akananuru* memaparkan banyak maklumat tentang permainan air yang diamalkan oleh masyarakat Tamil zaman *cangam*. Pada suatu petang seorang gadis menghabiskan masa lapang dengan berenang di tepi laut dan bermain patung pasir di persisiran pantai. Selepas ini, gadis dan kawan-kawannya bermain masak-masak di tepi pantai. Peristiwa ini dipaparkan oleh pujangga *Phontai Pasalaiyaar* dalam puisi yang ke-110.

.....கானல்  
தொடலை ஆயமோடு கடல்உடன் ஆழியும்  
சிற்றில் இழைத்தும், சிற்சோறு குவைஇயும்

(*Akananuru, 110:5-7*)

.....kaanal  
todalai aayamodu kadaludan aadiyum  
siddril ilaittu, sirusoru kuvaiyum

- *para gadis berenang di tepi pantai laut  
bermain patung pasir dan bermain masak-masak*

Puisi ini menjelaskan pelbagai aktiviti riadah yang diamalkan oleh golongan perempuan kawasan *Neytal* di antaranya ialah berenang di laut (*kaanal todalai aayamodu kadaludan aadi*), bermain patung pasir di persisiran pantai (*siddril ilaittu*) dan bermain masak-masak (*sirusoru kuvaiyum*).

Di kawasan *Marutham* seorang jejaka menghabiskan masa bersama dengan gundik. Mereka berdua terlibat dalam aktiviti riadah. Peristiwa ini disindir oleh pujangga *Paranar* dalam puisi yang ke-116.

எ...குடை எழில்நலத்து ஒருத்தியோடு நெந்தை  
வைகுபுனல் அயாந்தனை

(*Akananuru, 116:9-10*)

yekkudai yelilnalattu oruttiyodu nerunai  
vaigupunal ayarntanai

- *jejaka bersama dengan seorang gundik  
mereka menghabiskan masa dengan  
berenang dan membuat patung pasir*

Wira ini meninggalkan kekasihnya seketika lalu pergi bersama dengan gundik (*oruttiyodu nerunai*). Mereka menghabiskan masa dengan berenang di tepi pantai dan membuat patung pasir di persisiran pantai (*vaigu punal ayarntanai*).

Segala maklumat ini membuktikan permainan air yang diamalkan oleh masyarakat Tamil zaman *cangam*. Kawasan perairan bukan sahaja menyumbangkan makanan kepada kehidupan di dunia ini malah, ia juga menjadi sumber kegembiraan dan keseronokkan bagi manusia. Memandangkan kepentingannya, maka kawasan perairan dihormati dan disanjungi oleh masyarakat Tamil kawasan *Neytal*. Mereka mengadakan perayaan menghormati laut (*kadal pooja*) setiap tahun.

### 6.2.8 Kesimpulan

Permainan dan aktiviti riadah amat penting untuk kesihatan tubuh badan dan minda manusia. Masyarakat Tamil zaman *cangam* melakukan pelbagai aktiviti permainan dan riadah seperti permainan bola (*pantaaddam*), permainan judi (*vaddaadal*), permainan dam (*kalangu*), permainan ayun (*oosal*), permainan patung pasir (*vandal*), permainan masak-masak (*sirushoru aakkal*) dan permainan air (*neer aaddam*). Mereka mahir menggunakan sumber alam semula jadi untuk membentuk pelbagai jenis permainan dan aktiviti riadah. Semua golongan masyarakat Tamil terlibat dalam permainan dan aktiviti riadah tanpa mengira bangsa, agama, jantina, usia dan status perkahwinan.

## 6.3 Amalan Kesenian

Aktiviti kesenian adalah sesuatu yang melibatkan daya kreativiti yang tinggi. Setiap karya seni mempunyai peraturan dan tatacara tersendiri. Karya-karya seni menyampaikan sama ada kepercayaan, idea, rasa, perasaan seseorang. Terdapat pelbagai jenis aktiviti kesenian di dunia ini, di antaranya ialah muzik, tarian, nyanyian, ukiran, lukisan dan sebagainya. Pada

zaman *cangam* masyarakat Tamil terlibat dalam beberapa aktiviti kesenian seperti seni melukis, menari dan menyanyi.

### 6.3.1 *Ohviyam Teeddal* (Melukis)

Seni lukisan merupakan salah satu kesenian yang unggul dan ideal. Lukisan ialah sejenis karya seni yang proses pembuatannya dilakukan dengan menggunakan pelbagai warna, berus, kertas, daun, kanvas, dinding, tanah liat dan kulit haiwan. Lukisan memainkan peranan sebagai alat penyampaian maklumat yang terawal di dunia ini. Jika dibanding dengan tulisan, lukisan merupakan alat komunikasi yang lebih terawal. Pada zaman kini lukisan dianggap sebagai salah satu seni halus yang penting. Pada hakikatnya, manusia melukis untuk menuaike beberapa tujuan.

- |                          |                                   |
|--------------------------|-----------------------------------|
| ■ Kepuasan diri          | - gembira menghasilkan karya seni |
| ■ Menyampaikan maklumat  | - menyampaikan sesuatu mesej      |
| ■ Pekerjaan              | - suatu bidang pekerjaan          |
| ■ Mengisikan masa lapang | - mengisi masa lapang             |

Pada zaman *cangam* masyarakat Tamil melukis untuk menyampaikan mesej dan mengisi masa lapang. Mereka melukis gambar-gambar haiwan, burung, pokok dan unsur-unsur alam semula jadi pada dinding kuil, gua, rumah, batu-bata, kulit pokok dan juga pada kain (*tuniseelai*). Beberapa karya kesusasteraan Tamil klasik membuktikan penglibatan masyarakat Tamil dalam bidang seni lukisan. Lukisan digelar sebagai *ohviyam* manakala perlakuan melukis pula disebut sebagai *ohviyam teeddal*.

Dinding menjadi bahan utama dalam perlakuan melukis gambar. Mereka melukis pada dinding gua, kuil, istana, bangunan dan rumah. Memandangkan kepentingan bidang lukisan, maka wujud beberapa peribahasa yang berkaitan dengan dinding dan lukisan.

சுவரை வைத்துதான் சித்திரம் வரைய வேண்டும்  
*suvarai vaitutaan sittiram varaiya vendum*

- *dinding merupakan bahan asas bagi melukis gambar*

சுவரில்லாதச் சித்திரம் பாய்  
*suvarillaataa sittiram paal*

- *tidak wujud lukisan tanpa dinding adalah*


சித்திரமும் கைப்பழக்கம் செந்தமிழும் நாபழக்கம்  
*sittiramum kaipalakkam shentamilum naapalakkam*

- *kemahiran melukis diperoleh melalui latihan yang berterusan*

Perkataan *suvar* bermaksud dinding manakala *sittiram* bermaksud lukisan dan kesemua peribahasa ini menekankan kepentingan dinding dalam proses melukis gambar.

Manakala, peribahasa *sittiramum kaipalakkam sentamilum naapalakkam* menyatakan bahawa kemahiran melukis diperoleh melalui latihan yang berterusan. Latihan

#### **Rajah 6.3: Lukisan Pada Dinding Kuil Tanjavor**



Para pujangga sering kali menghayati rumah yang cantik dan kemas. Oleh yang demikian mereka melambangkan keindahan rumah sebagai lukisan yang cantik. Beberapa karya kesusasteraan Tamil membuktikan kenyataan ini.

Karya *Patidrupattu*:61 dan *Purananuru*:251 menggambarkan keindahan rumah masyarakat Tamil zaman *cangam*. Kedua-dua puisi ini mengagumi keindahan rumah yang cantik dan kemas. Menurut pujangga, rumahnya kelihatan seperti sebuah lukisan yang amat cantik (*ovattanna idanudai varappu*).

ஓவந்தன் இடநுடை வரப்பு

(*Patidrupattu*:61)

*ovattanna idanudai varappu*

- *rumah yang cantik bagaikan sebuah lukisan*

ஓவந் தன்ன இடநுடை வரைப்பிழ்

(*Purananuru*,251:1)

*ova tanna idanudai varaippir*

- *rumah yang cantik bagaikan sebuah lukisan*

Kesenian melukis melibatkan pelbagai medium seperti dinding, daun dan kertas. Masyarakat Tamil zaman *cangam* melukis pada dinding rumah dan ini dapat diketahui melalui puisi yang ke-98.

ஓவந் தன்ன வினைபுதனை நல்தில்  
பாவை அன்ன பலர்ஆய் மாண்கவின்

(*Akananuru*,98:11-12)

*ova tanna vinaipunai nalil*  
*paavai anna palaraai maankavin*

- *rumahnya kelihatan seperti sebuah lukisan yang cantik*

Pujangga *Veri Paadiya Kaamakkanniyaar* menyatakan bahawa rumah yang diduduki oleh wirawati bagaikan sebuah lukisan yang amat cantik (*ohva tanna vinaipunai nalil*). Manakala, Pujangga *Ammoovanaar* menggambarkan rumah-rumah di negeri *Idaiyaaru* seperti berikut:

புதனவினை நல்லில் புள்ளும் பாங்கின

(Akananuru, 141:3)

*punaivinai nalill pullum paanggina*

- *rumah-rumah di negeri Idaiyaaru  
dihias cantik dengan pelbagai lukisan*

*Idaiyaaru* merupakan sebuah negeri yang dimiliki oleh Raja *Karikaal Valavan*. Rumah-rumah di negeri *Idaiyanaar* dihiasi dengan corak dan lukisan yang menarik (*punaivinai nal ill pullum paanggina*).

**Rajah 6.4: Lukisan Pada Dinding Kuil Tanjavoor**



(Viyakka Vaikkum Tamilar Ariviyal, 2005)

Memandangkan kesemua maklumat ini, dapat dirumuskan bidang seni lukis merupakan salah satu bidang yang penting dalam kalangan masyarakat Tamil zaman *cangam*. Masyarakat Tamil zaman *cangam* aktif melibatkan diri dalam bidang kesenian melukis.

### 6.3.2 *Sirpam Vadittal* (Mengukir Patung)

Mengukir patung merupakan sejenis seni halus yang memerlukan kemahiran tinggi. Ukiran patung digelar sebagai *sirpam* dalam bahasa Tamil. Pengukir patung pula dikenali sebagai *sirpi* dalam kalangan masyarakat Tamil.

Pada lazimnya, masyarakat Tamil zaman *cangam* menggunakan logam, batu, kayu, manik, tanah liat dan siput untuk mengukir patung. Perlakuan mengukir patung dianggap sebagai suatu kegiatan masa lapang. Mereka mengukir pelbagai patung seperti patung Tuhan, Dewa, manusia, haiwanan dan tumbuhan.

Mengukir patung Dewa pada batu merupakan suatu amalan penting bagi masyarakat Tamil zaman *cangam*. Patung-patung Dewa digunakan untuk perlakuan ibadat dan upacara keagamaan. Manakala, patung-patung haiwan dan tumbuhan diukir sebagai penghayatan pada alam semulajadi. Maklumat tentang pengukiran patung dipaparkan dalam teks *Manimekalai*:

வழுவறு மரனும் மண்ணும் கல்லும்

எழுதிய பாதவயும் பேசாவேஷ்பது

(*Manimekalai*,21:115-116)

*valuvaru maranum mannum kallum  
yelutiya paavaiyum pesaavenbatu*

- *patung diukir dengan menggunakan kayu, tanah dan batu*

மண்ணினும் கல்லினும் மரத்தினும் சவரினும்  
கண்ணிய தெய்வதம் காட்டுநர் வருக்க

(*Manimekalai*,21:125-126)

*manninum kallinum marattinum suvarinum  
kanniya teivatam kaaddunar vagukka*

- *patung diukir pada dinding  
dengan menggunakan pelbagai medium*

Menurut puisi ini, patung dibuat daripada kayu (*valuvaru maram*), tanah (*man*) dan batu (*kal*). Mereka mengukir patung Dewa pada dinding (*kanniya teivatam kaaddunar*). Kenyataan ini membuktikan penglibatan masyarakat Tamil zaman *cangam* dalam bidang seni pengukiran. Hampir kesemua kuil masyarakat Tamil dihiasi dengan pelbagai patung. Patung-patung ini mempunyai nilai sejarah yang mendalam. Kesemua patung yang terdapat pada dinding kuil menyampaikan sesuatu maklumat ataupun peristiwa. Patung-patung ini melambangkan kemahiran dan bakat masyarakat Tamil zaman *cangam* dalam bidang kesenian.

**Rajah 6.5: Patung Pada Dinding Kuil Kumbakonam**



(Viyakka Vaikkum Tamilar Ariviyal, 2005)

Patung-patung Dewa merupakan lambang Tuhan bagi masyarakat Tamil. Mereka berdoa kepada Tuhan dengan menggunakan patung-patung Dewa. Masyarakat Tamil menyanjung dan menghormati patung Dewa bagaikan Tuhan. Negara India merupakan salah sebuah negara yang terkenal dengan patung-patung Dewa. Negara ini digelar sebagai Tanah Tuhan (*Kadavul Man*).

Antologi *Akananuru* memaparkan perlakuan mengukir patung Dewa pada batu. Raja *Cheran* memiliki sebuah bukit yang dikenali sebagai Bukit *Kolli* (*Kolli Malai*). Bukit ini kaya dengan sumber alam semulajadi. Raja *Cheran* mengukir patung Dewi *Paavai* di Bukit *Kolli*. Patung Dewi ini digelar dengan nama *Kolli Paavai*. Pujangga *Paranar* menerangkan peristiwa yang menarik ini seperti berikut:

களிறுகெழு தானைப் போறையன் கொல்லி  
ஒளிறுந் அடுக்கத்து வியல்அகம் பொற்பக்  
கடவுன் எழுதிய பாவையின்

(*Akananuru,62:13-15*)

*kalirukelu taanai poraiyan kolli  
oliruneer adukkattu viyalagam porpa  
kadavul yelutiya paavaiyin*

- *tenteranya dilengkapi angkatan gajah  
Raja Cheran mengukir patung Dewi Kolli  
di Bukit Kolli*

*Cheran* merupakan seorang raja yang berwibawa dan baginda memiliki angkatan tentera gajah yang kuat (*kaliru kedu taanai poraiyan*). Bukit *Kolli* pula dikelilingi oleh unsur-unsur alam semulajadi yang indah (*oliru neer adukkattu viyalagam*). Maka, untuk mengindahkan lagi kawasan sekitarnya beliau telah mengukir patung Dewi *Kolli* (*kadavul yelutiya paavaiyin*).

Kesenian mengukir patung memerlukan kemahiran dan disiplin yang tinggi. Ia melibatkan penelitian dan penghayatan mendalam. Masyarakat Tamil zaman *cangam* giat terlibat dalam kesenian mengukir patung. Amalan mengukir patung ini masih terdapat dalam kalangan

masyarakat Tamil zaman kini. Kuil-kuil dan tempat ibadat masyarakat Tamil dihiasi dengan pelbagai patung Dewa.

### 6.3.3 *Vilanggu Valarttal* (Memelihara Haiwan)

Memelihara haiwan kesayangan merupakan salah satu perlakuan riadah bagi manusia sejagat. Perhubungan antara manusia dan binatang wujud sejak zaman klasik. Manusia memelihara binatang untuk beberapa tujuan yang berikut:

- Makanan – rusa, ayam dan burung
- Kerja – lembu, keldai dan anjing
- Hobi – rusa, tupai dan burung nuri
- Pertandingan – lembu, kuda dan ayam

Masyarakat Tamil zaman *cangam* turut terlibat dalam aktiviti pemeliharaan haiwan kesayangan. Mereka yang tinggal di negeri *Urantai Puranggadu* memelihara ayam dan anjing. Maklumat ini dipaparkan oleh pujangga *Paranar*:

அரவாய் ஞமலி மகிழாது மடியின்

(*Akananuru, 122:9*)

*aravaai yamali magilaatu madiyin*

- *anjing kesayangan menjaga kampung*

இல்ளவி வல்சி வலவாய்க் கூடகை

(*Akananuru, 122:13*)

*ilyeli valsi valvaai kookai*

- *ayam kesayangannya menangkap tikus*

விலியறி ஞமலி குரைப்பு.....

(*Akananuru, 140:9*)

*viliyari yamali kurappa.....*

- *nyalakan anjing peliharaan*

Puisi *Akananuru* yang ke-122 dan 140 menyatakan bahawa anjing dipelihara bagi tujuan mengawal kampung dan rumah. Anjing peliharaan ini menunaikan tanggungjawabnya dengan sempurna. Manakala, puisi *Akananuru* yang ke-122 menyatakan ayam yang dipelihara turut menyumbang bakti kepada manusia. Ayam peliharaan ini menangkap dan memakan tikus yang hidup disekitar tempat tinggal manusia (*ilyeli valsi*). Masyarakat tempatan dapat mengatasi masalah tikus dengan bantuan ayam peliharaan.

Memelihara haiwan peliharaan adalah hobi yang popular di seluruh dunia. Pada zaman klasik peliharaan binatang menjadi hobi yang penting. Hobi ini mempengaruhi minda dan akhlak seseorang serta mengajar manusia agar bersifat tanggungjawab dan kasih sayang.

#### 6.3.4 Kesimpulan

Masyarakat Tamil zaman *cangam* kaya dengan pelbagai aktiviti kesenian. Kegiatan kesenian menjadi sebatи dalam kehidupan harian mereka. Mereka mempunyai kemahiran dan disiplin yang tinggi dalam penghasilan karya-karya kesenian. Antologi *Akananuru* menggambarkan pelbagai maklumat tentang kegiatan kesenian. Mereka mengamalkan kegiatan kesenian seperti berikut:

- Melukis (*Ohviyam teeddal*)
- Mengukir patung (*Sirpam vadittal*)
- Memelihara haiwan (*Vilangu valarttal*)

Pada asasnya, kesemua aktiviti kesenian yang diamalkan oleh mereka berdasarkan pada kemahiran dan minat. Aktiviti-aktiviti ini mencerminkan ketamadunan dan kematangan masyarakat Tamil zaman *cangam*.